



Tužilaštvo/Tužiteljstvo Brčko distrikta Bosne i Hercegovine
Тужилаштво Брчко дистрикта Босне и Херцеговине
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

Broj: A - /2020
Brčko, 9.1.2020.godine

SAOPĆENJE ZA JAVNOST

Korupcija u zapošljavanju// Potvrđena optužnica protiv trojice službenika u Vladi Distrikta Optuženi da su u postupku zapošljavanja favorizirali dvanaest kandidata na štetu drugih

Tužilaštvo Brčko distrikta BiH podiglo je optužnicu protiv trojice službenika u Vladi Distrikta zbog sumnje da su iskorištavanjem položaja ili ovlaštenja u postupku zapošljavanja favorizirali više kandidata na štetu drugih.

Ilija Goričkić (51), Vedad Pazarčević (58) i Mićo Simikić (58) optuženi su da su kao članovi Komisije za zapošljavanje u organima javne uprave za izbor kandidata na radno mjesto *Radnik u Jedinici fizičko-tehničkog osiguranja* među 71 kandidatom favorizirali dvanaest izabranih. U namjeri da im pribave korist u vidu izbora oni su im prilikom provođenja usmenog dijela intervjua dodjeljivali maksimalan broj bodova, dok to nisu učinili ni jednom drugom kandidatu - navodi se u optužnici. Oni se s tim u vezi terete da su, znajući da ima dodatne bodove kao dijete poginulog borca i samohrani roditelj, na usmenom dijelu testa jednom kandidatu dali znatno manji broj bodova, u namjeri da ga spriječe da na rang listi zauzme jedno od prvih dvanaest mjesta.

Optužnicom potvrđenom pred Osnovnim sudom Distrikta, Tužilaštvo ih tereti da su iskorištavanjem službenog položaja i ovlaštenja pribavili drugom korist i drugom nanijeli štetu. S tim u vezi, optuženi su za krivično djelo zloupotrebe položaja ili ovlaštenja (*iz člana 377 stav (1) Krivičnog zakona Brčko distrikta BiH*) s propisanom kaznom zatvora od šest mjeseci do pet godina.

*Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

Više o optužnici na internet stranici Tužilaštva www.jt-brckodistriktbih.pravosudje.ba (sekcija „optužnice“ podsekcija „odsjek za privredni kriminal“, optužnica broj: 13115 19).

GLAVNI TUŽILAC

ZEKERIJA MUJKANović

1. Na WEB stranicu;;
2. Medijima;
3. a/a.